

清代宜臺人文獻選編 第五種

斯未信齋全集
(三)

徐宗幹 撰

文
編
二

官牘卷一

所未信齋文編二

官牘一 山東

稅契條規 秦安

請建節孝總坊議 高唐

訪舉節孝條規

義倉議

遞送災民議

首告子孫約

舖司議 高唐

銀價議 秦安

捕蝗錄書後

訓練壯丁議

查邪教議

勸捐義穀約

高唐

勸捐義倉條規

答陳蓮史同年書

高唐

答舒自庵刺史書

致侯理庭太守書

上李仙九學使書

復孫符卿學士論銀價議

緝匪事宜議

濟甯

廟地改撥書院經費議

吳門江

湜

院桐吳鴻謨

同校

斯未信齋文編二

官牘一山東

南通州徐宗幹伯楨

稅契條規 泰安

查稅契銀兩歷年徵完數目有增無減本年春開因稅銀較少
查出草書私雕假印誣使錢交業已將首從各犯按名擬辦在
案伏思懲弊於已然不如防弊於未然業戶半係愚民里書易
成猾吏非明定章程曉示條約誠恐日久玩生復滋弊竇現屆
秋征已完正各花戶過割糧名之際謹就定例稍爲變通擬定
各條一出示立限以查積壓也道光十一年以前置買房地者
勒限本年膺月十二年正月內投稅如遲延有因免其漏稅之
罪一定限過割以杜侵冒也上半年置產者限五六兩個月下
半年置產者限膺月及次年正月投契過撥除正膺五六四個

月不準稅割一投稅宜呈驗置買原契也已交里書投稅未曾黏發者如未給稅銀要回原契限兩月內送案黏發如已給稅銀尚未黏發該業戶指名稟追如係贖契並將中人親筆原契呈驗一完稅宜親交正身經書也文契不準交給散書亦不準託人代稅着於收稅之月同完糧一律親身交納一按名榜示以除侵挪也每年三月七月着各里書將稅割花戶各繕花名榜每地方一張送內比對鈐印張貼一嚴查過撥以防捺延也各里書地札按年立檔存庫其新札過撥清訖後送內鈐印按月吊查有已撥除而未投稅者即提該里書究問一稅契不先收稅銀以杜撞騙及積壓塗改也凡有業戶投稅者先將文契赴拒投送按契價多寡照例計稅銀若干登記號簿發給業戶由單一紙以號簿作征冊按名征收稅銀收訖先給實收三日

後持實收領換印契一隨錢糧徵收以免拖欠而防虧挪也業
戶完納稅銀正鵬兩月投送文契隨春季錢糧徵收麥後五六
兩月投送者隨秋季徵收

道批

據稟酌擬查辦契稅章程已悉查所議每於春徵之先飭令
里保遍查買賣地產各戶開報俾使過稅一條洵稱提綱挈
領蓋欲清辦匿契自必嚴查過撥始過撥既清則勾稽有據
又如榜示稅戶侵挪之弊自除填給由單誑索之風旋解具
見立法至當杜弊惟周現已照抄章程通飭各屬一體酌辦
仰卽查照隨時實力辦理務使有裨於課勿擾於民清摺存
查

請建節孝總坊議

高惠

查道光十四年據鄒平縣按照江蘇武進陽湖兩縣節孝婦女
彙建總坊之例勸諭紳士等悉心採訪分別已故現存共得李
田氏等二百七十六名詳蒙 題旌奉

旨給銀三十兩總建一坊此案一切紙筆費用本係捐廉辦理
建坊銀有不敷由該紳士向舉保節孝有力之家量爲捐辦不
涉書吏之手以成義舉查道光二年江蘇常州府武進陽湖二
縣士民採訪節孝婦女凡三千餘人建立總坊有案然非開誠
勸諭並會同公正學官諄屬端方紳士實力採訪非濫即遺又
必將捐廉詳辦不用該節婦子孫稍出費用緣由反復曉諭方
舉保得實兼須遠稽志乘近採輿論實係確鑒可憑始於風化
有裨自道光十五年六月間同學正高商雲訓導李潤諄諭素
行端正之紳士等分鄉查訪現在輯修卑州志書舊志所載及

嘉慶年間新修府志內開節烈婦女確有實事可憑訪其後人查詢守節殉節年月相符及近年陸續採訪者已故現存共得黃白氏等二百零八口均係密爲確查隨時註冊再由學取具族鄰人等供結核對並將準其詳報各姓氏詳細榜示通衢以期衆論允孚令該家屬里鄰共見共聞俾知別無影射留難之處除將儒學移到各節烈婦女事實冊結彙呈加具印結另文申報一切查照鄒平原稟辦理外不分貧富存亡均叨雨露得與忠義孝弟並樹風聲此宣幽達滯所宜先亦經正民興之一助也

訪舉節孝條規

爲勸旌淑以裨風化事查婦女夫亡守志孝義全或世遠年湮未經呈報尙有志乘事蹟可憑者例准

旌表其間或因該子孫世業農桑用識表揚之典或由該婦女
自甘奇特不求旌獎之榮苟少有田里凍餒無虞若有子能賢
存孤可託至於生則茹藥餐水死則荒烟冷草幽光潛德埋沒
堪憐今欲按名查辦不特經費有常抑且辦理多窒甚且有子
孫惜費畏難而諱言之者殊可慨也查道光二年江蘇常州府
武進陽湖二縣士民採訪節孝婦女凡三千餘人建立總坊東
省鄒平縣查照詳辦舉報二百七十餘人本州前在泰安任內
訪舉數百人編入縣志高唐任內詳報二百餘人奉

旨給銀三十兩總建一坊今蒞茲土四月有餘據儒學詳請轉
報者止有一起此外窮鄉僻壤舉目無親豈無冰雪其心松柏
其節即採訪旁求期無遺漏而君門萬里誰與申明苛矣富
人哀此災獨合亟示諭閭屬紳士各於所居里社鄉莊勸咨

訪隨時報學轉申統限來年三月十五日爲止彙齊由州詳報
所有條規冊式開列於後

計開

一守節之婦不論妻妾自三十歲以前守節至五十歲或年未
五十而身故其守節已及十年俱准

旌表其未婚貞女與節婦例同其有在夫家守貞身故即未符
年例一體准

旌烈婦註明氏年若干歲於某年月日夫亡殉節該紳士人等
務須確切採訪無稍冒濫如捏改年歲或稍徇情託是以義舉
而成笑柄也風化攸關凜之慎之

一鄉耆里民有真知灼見確係合例者即於逢八日當堂開具
年月事實呈送以便發學再飭紳士加結

其云何乃名
一州署刷印格式存學有舉報者即赴學填註由學十日一次彙齊核辦申送以歸簡易

一里隣結式亦照格填寫不用保正人等到案具結以免阻滯
一學書州書紙筆之費均由本州捐發不准少有需索其道司院各衙門亦由本州代爲辦理無論貧富查有出錢者即不准詳報杜富者之冒濫免貧者之畏阻方能核實無遺並非干譽見好也

一總坊雖千百人止領銀三十兩惟期其沐

天恩不必專建坊表徒爲觀美俟奉到部覆有力之家願自建一坊者亦聽其便至總坊領銀不敷舉報節孝內設貧之家自不妨量爲補助以成義舉想亦樂從應由公正紳士承辦不經在官人役之手以杜假冒

一彙齊詳報以前各節婦姓氏詳細榜示通衢以期衆論允孚
令該婦女家屬里鄰共見共聞俾知別無影射留難之處
一出詳後鄉僻之區往往有省城無賴之徒或前往索費否則
冒充報喜之人需索酒食錢文鄉愚無知一見報單受其誑騙
各紳士應傳諭切勿被惑

冊式

一已故節婦 氏 莊 之女 生於 年 許

聘 莊 之子 爲妻 年氏 歲于歸 年

夫故氏年 歲守節 年已故 年身歿亡年 歲

現存現年 歲實係苦節奇特與

旌表之例相符

一氏

填註事實
止須一行

具保結紳士

里鄰

親族

等結得

已故現存

氏實係苦節奇特與

旌表建坊之例相符並無濫舉情弊具結是實

義倉議

凡地方利民之事易於樂成難於圖始惟義倉一事難於圖始而尤難於樂成蓋難於經理得人且難於久久行之有利無弊耳惟有按年收儲非遇荒歉之年不必出借或存半放半或盡行出放次年有收再令歸還或添捐仍可並行不悖議者謂不如按年出借加息還倉之愈積愈多然人情不古逃亡乾沒控追紛爭均所不免變通行之較爲簡便即首事者但有監守之職無頻年出借追還之累累須出放稟官核實督辦亦不能別滋弊端也

遞送災民議

外省災民流離失所自應優加憫卹亦不容任其紛爭現准
各前途轉准直省遷到災民每起用大車十餘輛七八輛不等
前起方去後起又至現屆春令以後過境者恐更增多勢難連
站滾送其車輛僱自里下者值此耕作方興固未便令其紛紛
應用向無里車者更爲掣肘而災民等以直省及上站應付車
輛藉詞爭索殊形滋擾逗留多時更恐生事現在續到災民於
每名給發大錢一伯文外每大車一輛捐賞大錢六伯四十文
當堂折給其有婦女幼孩難以步行者令其沿途自雇車驢如
有餘存藉資旅費仍撥丁役妥爲護送至下站交替在該災民
等長途跋涉散之四方得以護送回籍何敢求其應付周備而
良莠不齊差役車夫亦難保無串通浮冒之事不如核實查明
老幼人數應需車輛若干計價當堂賞發卽有不實不盡究覈